

Na osnovu člana 7. Uredbe o utvrđivanju vlastitih prihoda, načina i rokova raspodjele („Službene novine Kantona Sarajevo“ broj: 51/16), na osnovu mišljenja Ministarstva finansija Kantona Sarajevo i saglasnosti Ministarstva za obrazovanje, nauku i mlade Kantona Sarajevo i člana 161. Pravila JU Srednje mašinske tehničke škole Sarajevo, Školski odbor škole, na 35. sastanku, održanom 31.01.2018.godine, donio je:

PRAVILNIK

O KORIŠTENJU VLASTITIH PRIHODA JU SREDNJA MAŠINSKA TEHNIČKA ŠKOLA SARAJEVO

I OPĆE ODREDBE

Član 1. (Predmet Pravilnika)

Pravilnikom o korištenju vlastitih prihoda (u daljem tekstu: Pravilnik) JU Srednje mašinske tehničke škole Sarajevo (u daljem tekstu: Škola) utvrđuju se vrste, osnov sticanja, visina naknade i raspodjela vlastitih prihoda Škole.

Član 2. (Vlastiti prihodi)

Vlastiti prihodi koje ostvari Škola su javni prihodi Budžeta Kantona Sarajevo, a raspoređuju se u skladu sa Uredbom o utvrđivanju vlastitih prihoda, načina i rokova raspodjele („Službene novine Kantona Sarajevo“ broj: 51/16).

Član 3. (Ostvarivanje vlastitih prihoda)

- (1) Pod vlastitim приходima podrazumijevaju se prihodi koje Škola ostvari obavljanjem osnovne djelatnosti i ostalih poslova na tržištu.
- (2) Pod vlastitim приходima ne podrazumijevaju se prihodi koje Škola ostvari obavljajući osnovnu djelatnost propisanu zakonima ili drugim propisima o osnivanju, za koju je propisana utvrđena visina naknade za usluge koje pruža pravnim i fizičkim licima, kao ni prihodi ostvareni u internom poslovanju između budžetskih korisnika na istom nivou vlasti.

Član 4. (Uplata i evidentiranje vlastitih prihoda)

- (1) Prihodi iz člana 2. stav (1) ovog Pravilnika uplaćuju se na depozitni račun Budžeta Kantona Sarajevo, a mogu se naplaćivati i u gotovini.
- (2) Škola je dužna vlastite prihode ostvarene u gotovini uplatiti na depozitni račun i to najkasnije narednog dana od dana naplate istih, a naplaćena gotovina se ne može koristiti za izmirenje tekućih obaveza.

II STICANJE VLASTITIH PRIHODA

(Član 5.) (Osnove za sticanje vlastitih prihoda)

Škola stiče vlastite prihode po osnovu:

- a) organizacije i realizacije pripreme i instruktivno – konsultativne nastave,
- b) prodaje otpadnog materijala
- c) prodaje proizvoda i usluga koje izrađuju učenici u toku praktične nastave,
- d) izdavanja prepisa/duplikata dokumenata,
- e) participacije u troškovima školovanja (naknada za osiguranje učenika, nabavka zadaćnica, kopiranje, upotreba biblioteke, posjeta pozorištu, kinu i dr.),
- f) reklamno – propagandnih usluga,
- g) izdavanje prostora i opreme u zakup,
- h) ustupanja tenderske dokumentacije u postupku javnih nabavki,
- i) kopiranja i uvezivanja pisanog materijala.

Član 6. (Naknada za realizaciju usluga)

Naknada za realizaciju usluga iz člana 5. ovog Pravilnika utvrđuje se kako slijedi:

- a) instruktivno – konsultativna nastava za grupu od 10 i više kandidata (po času) 4,00 KM
- b) instruktivno – konsultativna nastava za grupu do 10 kandidata (po času) 8,00 KM
- c) izdavanje prepisa/duplikata dokumenata:
 - izdavanje svjedodžbe/diplome 20,00 KM
 - izdavanje izvoda iz Nastavnog plana i programa 60,00 KM
- d) participacija u troškovima školovanja u skladu sa Instrukcijom kojom se definiše visina participacije u troškovima školovanja za učenike srednjih škola kao javnih ustanova na području Kantona Sarajevo, koju donosi ministar za obrazovanje, nauku i mlade Kantona Sarajevo.
- e) Izdavanje prostora i opreme u zakup: izdavanje prostora u zakup, kao i visinu naknade za zakupninu utvrđuje Školski odbor, a u skladu sa zakonom i podzakonskim aktima kojima se reguliše izdavanje poslovnih zgrada i prostorija.

Član 7. (Visina naknada za posebne i specijalizirane programe)

Visinu naknade za realizaciju posebnih i specijaliziranih programa koji se realizuju u Školi, utvrđuje Školski odbor Škole, uz prethodnu saglasnost ministra za obrazovanje, nauku i mlade Kantona Sarajevo.

Član 8.
(Visina naknada za realizaciju ostalih usluga)

Visinu naknada za usluge koje realizuje Škola, a koje nisu obuhvaćene članom 6. ovog Pravilnika utvrđuje Školski odbor Škole.

III RASPODJELA VLASTITIH PRIHODA

Član 9.
(Raspodjela stečenih vlastitih prihoda)

Ostvareni vlastiti prihodi u cjelosti se raspoređuju Školi jer je ista prihod i ostvarila.

Član 10.
(Način raspodjele vlastitih prihoda)

(1) Prihodi iz člana 5. stav (1) tačka a) ovog Pravilnika raspoređuju se na sljedeći način:

- a) 15,00 KM naknade za jedan čas nastavniku koji izvodi pripremnu i instruktivnu nastavu, a 3,00 KM naknade za jedan čas nastavniku koji izvodi konsultativnu nastavu,
- b) ostatak prihoda se dijeli na sljedeći način:
 1. 20% za naknade ostalim radnicima izvan nastave koji su sudjelovali u realizaciji poslova i to:
 - b-1) 22% direktoru
 - b-2) 18% sekretaru
 - b-3) 20% izvršiocima za izradu rješenja o priznatim predmetima i upis kandidata u matičnu knjigu, pisanje svjedodžbi i upis ocjena u matičnu knjigu (2 izvršioca -tj. 2x2)
 - b-4) 10% samostalnom referentu za plan i analizu.
 - b-5) 10 % admonisrativni radnik u računovodstvu
 - b-6) 20% ostalim radnicima (tehničko i pomoćno osoblje)
 2. 40% za materijalne troškove, tekuće održavanje i nabavku opreme,
 3. 40% za stručno usavršavanje, sportske i kulturne aktivnosti, takmičenja, nagrade učenicima i ostale namjene.

(2) Prihodi iz člana 5. stav (1) tačka b) i c) ovog Pravilnika raspoređuju se na sljedeći način:

- a) 20% za materijalne troškove, tekuće održavanje i nabavku opreme;
- b) 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

(3) Prihodi iz člana 5. stav (1) tačka d) ovog Pravilnika raspoređuju se na sljedeći način:

- a) 40% za materijalne troškove, tekuće održavanje i nabavku opreme,
- b) 30% za naknadu radnicima koji su sudjelovali u realizaciji poslova i to:
 - b-1) izvršiocu poslova koji priprema i izrađuje prepis/duplikat svjedodžbe/ diplome 50% po prepisu/duplikatu svjedodžbe/diplome

- b-2) izvršiocu poslova koji provjerava, sravnjava i ovjerava prepis/duplikat svjedodžbe/diplome 50 % po prepisu/duplikatu svjedodžbe/diplome.
- c) 30% za stručno usavršavanje, sportske i kulturne aktivnosti, takmičenja, nagrade učenicima i ostale namjene.
- (4) Prihodi iz člana 5. stav (1) tačka e) ovog Pravilnika raspoređuju se u skladu sa Instrukcijom kojom se definiše visina participacije u troškovima školovanja za učenike srednjih škola kao javnih ustanova na području Kantona Sarajevo, koju donosi ministar za obrazovanje, nauku i mlade Kantona Sarajevo.
- (5) Prihodi iz člana 5. stav (1) tačka f), g), h) i i) ovog Pravilnika raspoređuju se na sljedeći način:
- a) 70% za materijalne troškove, tekuće održavanje i nabavku opreme,
- b) 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

Član 11. (Korištenje vlastitih prihoda)

- (1) Škola vlastite prihode koristi za plaće i naknade radnicima u slučaju da stiče sredstav po osnovu tačaka a) i h) iz člana 5. Ovog Pravilnika.
- (2) U drugim slučajevima Škola prihode za plaće koristi samo u izuzetnim slučajevima uz saglasnost Ministarstva za obrazovanje, nauku i mlade.

IV PRAĆENJE NAPLATE I RASPOREĐIVANJE VLASTITIH PRIHODA

Član 12. (Praćenje naplate i raspoređivanje vlastitih prihoda)

- (1) Škola je dužna da redovno prati, putem izvještaja koji dobija od Ministarstva finansija, dospelost i naplatu vlastitih prihoda.
- (2) Škola je odgovorna za potpuno i pravovremeno uplaćivanje vlastitih prihoda na depozitni račun.
- (3) Škola je dužna da ostavrene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.

V KONTROLA UTROŠKA VLASTITIH PRIHODA

Član 13. (Izvještaj o utrošku)

- (1) Škola je dužna, najmanje jedanput u šest mjeseci Ministarstvu za obrazovanje, nauku i mlade dostaviti Izvještaj o sticanju i utrošku vlastitih prihoda.

VI ZAVRŠNE ODREDBE

Član 14. (Saglasnost na Pravilnik)

(1) Na ovaj Pravilnik mišljenje daje Ministarstvo finansija Kantona Sarajevo, a saglasnost daje Ministarstvo za obrazovanje, nauku i mlade Kantona Sarajevo.

Član 15. (Stavljanje propisa van snage)

(1) Stupanjem na snagu ovog Pravilnika prestaje da važi Pravilnik o korištenju vlastitih prihoda broj: o1-1-495 od 25.5.2015. godine.

Član 16. (Stupanje na snagu)

(1) Ovaj Pravilnik stupa na snagu i primjenjivaće se od dana dobijanja saglasnosti Ministarstva za obrazovanje, nauku i mlade Kantona Sarajevo i biće objavljen na oglasnoj ploči Škole.

Broj: 01-1- 110

Predsjednik Školskog odbora

Dana: 31.01.2018.godine

Mustafić Begajeta, dipl.ing. maš.

Ministarstvo za obrazovanje, nauku i mlade Kantona Sarajevo svojim aktom broj: _____ od _____ godine, dalo je Saglasnost na Pravilnik o korištenju vlastitih prihoda JU Srednja mašinska tehnička škola Sarajevo.